



25 Lúnasa 2020

A Phríomhoide, a chara,

Tá súil agam go bhfuil do phleananna d'athoscailt na scoileanna ag dul ar aghaidh go maith agus gur chabhraigh na tacaíochtaí agus na hacmhainní a cuireadh ar fáil go dtí seo leat.

Ba mhaith liom mo bhuíochas a ghabháil leatsa, agus le foireann agus pobal uile do scoile, uair amháin eile, as an obair go léir atá déanta agat chun ár scoileanna a athoscailt.

Tá cuid den obair sin feicthe agam féin agus is eol dom an obair dhian agus an tseiftiúlacht a theastaigh chun ullmhú don athoscailt. Táim mórtasach as na foirne scoile ar fad a rinne iarracht thar na bearta chun gur féidir na scoileanna a athoscailt.

Tá ábhair nua do thuismitheoirí agus do dhaltáí curtha suas ar gov.ie/filleadharscoil againn. Tá an t-ábhar oiriúnach d'aoiseanna éagsúla agus cuireadh i dtoll a chéile é i gcomhar le páistí agus daoine óga agus a dtuismitheoirí. Táim buíoch de gach duine a chabhraigh trí aiseolas agus tacaíocht a thabhairt dúinn, agus tá súil agam go mbeidh an t-ábhar seo ina chabhair duit.

Bheinn buíoch díot ach féachaint chuige go bhfaigheann na thuismitheoirí an t-eolas tábhachtach seo a leanas ón Roinn agus ó FSS maidir le hathoscailt na scoileanna. Tá nasc chuig gach ceann díobh seo sa doiciméad faoi iamh, ionas go mbeidh sé éasca duit na míreanna cearta a chur ar aghaidh chuig do phobal scoile.

- Físeán do thuismitheoirí ina bhfuil eolas tábhachtach ar conas cabhrú le páistí filleadh ar an scoil ar fáil [anseo](#) agus [anseo](#)
- Fógráin do thuismitheoirí -- i gceangal sa ríomhphost seo agus ar fáil chomh maith le híoslódáil [anseo](#). Tá ábhar curtha ar fáil ag FSS ina mínítear conas comharthaí COVID-19 a aithint, a chomhlánóidh an t-eolas ón Roinn i dtaobh filleadh ar an scoil. Tá sé seo ar fáil [anseo](#)
- Tá físeáin aoisoiriúnacha ann a oireann do pháistí agus do dhaoine óga ag céimeanna éagsúla. Tá físeáin do dhaltáí bunscoile (sóisearach agus sinsearach) agus do dhaltáí iar-bhunscoile ar fáil [anseo](#)
- Acmhainní i rogha mhór teangacha. Tá go leor scoileanna ann a bhfuil éagsúlacht mhór i measc na scoláirí agus na dtuismitheoirí. Tá an treoir do thuismitheoirí i dteangacha éagsúla ar fáil ar gov.ie/filleadharscoil.

Chuaigh tionscadal Covid-19 World Service i gcomhairle leis an Roinn agus d'úsáid siad ár bpríomhtheachtaireachtaí chun raon físeán a sholáthar i dteangacha éagsúla agus is féidir go mbeidh siad úsáideach do phobal do scoile – gheobhaidh tú tuilleadh eolais ag <https://nascireland.org/covid-19-world-service>



Tá sraith físeán oiliúna ionductaithe curtha ar fáil ag an Roinn d'fhoirne bunscoile agus iar-bhunscoile, ar aon dul le prótacal an Rialtais faoi Fhilleadh ar an Obair go Sábháilte.

Chomh maith le hoiliúint ionductaithe a chur ar fáil do gach foireann scoile, tá eolas breise sna físeáin seo faoi ghlanadh na scoileanna agus do chúntóirí riachtanas speisialta, coimhdirí ar bhusanna scoile agus lonadaithe na nOibrithe Ceannais COVID-19 sna scoileanna. Is post nua é an tlonadaí sin.

Míneofar san oiliúint gach rud is gá don foireann a dhéanamh ionas gur féidir le gach duine filleadh ar an scoil go sábháilte agus tá na físeán ar fad ar fáil [anseo](#)

Meastar go gcuirfear tuilleadh treorach ar fáil níos déanaí an tseachtain seo i dtaobh na bprótacal a bheidh mar bhonn leis na socruithe faoi conas déileáil le cás amhrasta nó cás deimhnithe COVID-19. Is dóigh liom go gcuirfidh an treoir bhreise seo na pobail scoile uile ar a suaimhneas. Ar deireadh, is é an phríomhtheachtaireacht ná go gcaithfidh na scoileanna cloí le treoracha FSS Sláinte Phoiblí i gcás ina ndeimhnítear go bhfuil COVID-19 ar dhuine sa scoil, ball foirne nó dalta, nó ina meastar go bhfuil.

Tá seimineáir gréasáin agus acmhainní forbartha ag an tSeirbhís Náisiúnta Síceolaíochta Oideachais (NEPS) le tacaíocht a thabhairt do scoileanna chomh fada agus go mbaineann sé le sláinte agus folláine. Tá siad seo ar fad ar fáil ag gov.ie/filleadharscoil

Nuair a athosclaítear na scoileanna beidh orainn go léir dul i dtaithí ar shocruithe agus ar ghnásanna nua. Ní thar oíche a dhéanfar é sin; tógfaidh sé tamall orainn na socruithe nua a chur ag obair mar chuid den ghnáthlá scoile.

Má tá aon údar imní agat maidir leis an athoscailt, mholfaínn duit ríomhphost a sheoladh chuig reopeningschools@education.gov.ie. Táimid tar éis bheith ag obair le scoileanna ar fud na tíre, ag tacú leo chun réiteach a fháil ar na dúshlán atá rompu agus d'éirigh linn réitigh a fháil ar chuid mhaith de na fadhbanna sin. Tá réitigh ar chuid de na fadhbanna is coitianta leagtha amach anois i roinn na scoileanna de gov.ie/backtoschool agus is féidir go gcabhróidh sé sin leat.

Ba mhaith liom mo bhuíochas a ghabháil leat uair amháin eile as do chuid iarrachtaí, agus guím gach sonas agus sláinte ort féin agus ar na daltaí agus sibh ag filleadh ar an scoil.

Is mise, le meas



Norma Foley TD
An tAire Oideachais